



# جابتنه حاکیم شرعيه مليسيا

KETUA PENGARAH/KETUA HAKIM SYARIE

DRA PERBICARAAN/ PERBICARAAN

Jabatan Kehakiman Syariah Malaysia

Department Of Syariah Judiciary Malaysia

Aras 7, Blok C, Kompleks Islam Putrajaya  
No. 20, Jalan Tunku Abdul Rahman, Presint 3  
62100 PUTRAJAYA  
MALAYSIA

Tel : 603-8870 9300

Faks : 603-8870 9316

Portal Rasmi : [www.jksm.gov.my](http://www.jksm.gov.my)

E-mel : naim1@esyariah.gov.my

Ruj. Kami : JKSM.600-1/2/4 JLD 6(103)

Takwim : ۱۴۴۴H Jamadilawal 1444H

Tarikh : ۲ Disember 2022

YAA Ketua Hakim Syarie

Jabatan Kehakiman Syariah/ Mahkamah Syariah Negeri-Negeri

## ARAHAN AMALAN NO. 6 TAHUN 2022

### KEPERLUAN PEMFAILAN KES TUNTUTAN NAFKAH ANAK BERSAMA KES TUNTUTAN/ PERMOHONAN PERCERAIAN ATAU PEMBUBARAN PERKAHWINAN (DENGAN KEHADIRAN SUAMI)

Saya ingin menarik perhatian YAA kepada keputusan Mesyuarat Jawatankuasa Induk Arahan Amalan Mahkamah Syariah Seluruh Malaysia pada 28 – 29 Rabiulakhir 1444H bersamaan 25 – 26 Oktober 2022 di Hotel The Pearl, Kuala Lumpur yang telah bersetuju dan mengesahkan untuk menerima pakai Arahan Amalan berhubung dengan Keperluan Pemfailan Kes Tuntutan Nafkah Anak Bersama Tuntutan/ Permohonan Perceraian atau Pembubaran Perkahwinan (dengan Kehadiran Suami) sepermata di Jadual 1 dan hendaklah diuruskan seperti yang berikut:

1. Mana-mana pihak yang memfailkan tuntutan/ permohonan sepermata di Jadual 1 hendaklah memfailkan bersama kes tuntutan nafkah anak di bawah seksyen 73<sup>1</sup>, seksyen 79<sup>2</sup> atau seksyen 81<sup>3</sup> Enakmen Undang-Undang Keluarga Islam Negeri-Negeri dengan menggunakan kod pendaftaran sepermata di Jadual 2.
2. Kes tuntutan nafkah anak sepermata di Jadual 2 yang difailkan bersama dengan tuntutan/ permohonan sepermata di Jadual 1 hendaklah dikecualikan daripada Majlis Suhl selepas pendaftaran kes.

<sup>1</sup>Seksyen 72 Akta Undang-Undang Keluarga Islam Wilayah-Wilayah Persekutuan 1984 dan Ordinan Undang-Undang Keluarga Islam, Sarawak 2001

<sup>2</sup>Seksyen 78 Akta Undang-Undang Keluarga Islam Wilayah-Wilayah Persekutuan 1984 dan Ordinan Undang-Undang Keluarga Islam, Sarawak 2001

<sup>3</sup>Seksyen 80 Akta Undang-Undang Keluarga Islam Wilayah-Wilayah Persekutuan 1984 dan Ordinan Undang-Undang Keluarga Islam, Sarawak 2001

3. Pendengaran bagi kedua-dua kes tersebut hendaklah ditetapkan pada tarikh yang sama mengikut kesesuaian dan mahkamah hendaklah mengambil perhatian terhadap kebijakan anak dari sudut nafkah sama ada kes tuntutan/ permohonan perceraian atau pembubaran perkahwinan tersebut diselesaikan segera atau sebaliknya.
4. Jika pihak-pihak berjaya mencapai persetujuan berkaitan dengan kadar nafkah anak, maka perintah kekal nafkah anak berdasarkan jenis kes di Jadual 2 hendaklah dikeluarkan.
5. Jika pihak-pihak tidak mencapai apa-apa persetujuan berkaitan dengan kadar nafkah anak, mahkamah hendaklah menetapkan suatu tarikh prosiding selanjutnya bagi kes tuntutan nafkah anak tersebut.
6. Mahkamah hendaklah memerintahkan nafkah sementara anak dengan kadar yang munasabah di bawah peruntukan perenggan 74(1)(c), subseksyen 74(2) dan (3)<sup>4</sup> Enakmen Undang-Undang Keluarga Islam Negeri-Negeri sebelum apa-apa persetujuan atau keputusan Mahkamah mengenai kadar nafkah seperti di perenggan 5.
7. Ketetapan di perenggan 6 tidak menghalang mana-mana pihak untuk memfailkan Permohonan Perintah Interim Nafkah Anak di Mahkamah Tinggi Syariah berdasarkan seksyen 202 Akta/ Enakmen/ Ordinan Tatacara Mal Mahkamah Syariah.

Arahan Amalan ini berkuat kuasa serta-merta.

**DATO' SETIA DR. HAJI MOHD NA'IM BIN HAJI MOKHTAR**  
Ketua Pengarah/ Ketua Hakim Syarie  
Jabatan Kehakiman Syariah Malaysia  
**PUTRAJAYA**

---

<sup>4</sup> Perenggan 73(1)(c) Akta Undang-Undang Keluarga Islam Wilayah-Wilayah Persekutuan 1984 dan Ordinan Undang-Undang Keluarga Islam, Sarawak 2001.

PRA PERBICARAAN/  
PERBICARAAN

JADUAL 1

**Kod Pendaftaran Kes Tuntutan/ Permohonan Berkaitan Perceraian/  
Pembubaran Perkahwinan**

| BIL. | JENIS KES                        | KOD BAHARU | KOD LAMA |
|------|----------------------------------|------------|----------|
| 1.   | Tuntutan Fasakh                  | 162        | 014      |
| 2.   | Tuntutan Pengesahan Lafaz Cerai  | 152        | 054      |
| 3.   | Tuntutan/ Permohonan Perceraian  | 151        | 055      |
| 4.   | Tuntutan Khuluk/ Tebus Talak     | 154        | 056      |
| 5.   | Tuntutan Pengesahan Cerai Taklik | 153        | 057      |

JADUAL 2

**Kod Pendaftaran Kes Berkenaan Tuntutan/ Permohonan Berkaitan Nafkah Anak**

| BIL. | JENIS KES                          | KOD BAHARU | KOD LAMA |
|------|------------------------------------|------------|----------|
| 1.   | Tuntutan Nafkah Anak               | 251        | 024      |
| 2.   | Tuntutan Nafkah Anak Angkat        | 253        | -        |
| 3.   | Tuntutan Nafkah Anak Tak Sah Taraf | 252        | 084      |